

風雨賦

RARE
BOOK

Cha
6.3

風雨賦

周渭陽姜子牙

著撰

漢南陽諸葛亮

編輯

皇明豐城饒宗道

註解

高明上覆日月星辰

高明天也天本一氣即一理也高明而位乎上以陽之輕清故耳日月星辰時垂於碧落碧落者半青也

沉潛下戴風雨龍神

沉潛地也地本一氣沉潛而位乎下以陰之

重濁故耳龍即蛟龍神即雷神言龍屬乾陽物也雷屬坤陰物也二者感陰陽之氣動而飛翔所以降雨也風雨持二氣之所致則神龍附而主宰之也○一本龍神作雷神

占斗光之明暗辨月色之初新

斗光北斗七星之光明光芒也暗昏翳也初新謂上下弦之月色也黃昏對觀北斗中外左右有無雲氣平旦對觀新月上下左右有無雲氣然後知陰晴風雨○一本月色作日色蓋夕察星月而朝觀日傍之雲氣也

魁畔黑雲見沾滋於當夜罡前黃氣知潤澤於
來晨

魁星北斗前四星也畔邊傍也若此星之傍
忽有黑雲遮蔽并掩斗口者主當夜有雨○
罡天罡也北斗第七星之名北斗後三星名
杓黃氣謂雲氣黃色潤猶濕也澤雨澤也罡
星前忽有黃色雲氣明潤者主來日有雨
遍掩暎而三日獨溟濛而半旬

遍普遍也掩暎謂雲遮而暎有如紗窓之透
明也凡北斗被遍黑雲遮掩主三日內有雨

若無兩主大將有憂也○獨孤獨也溟濛天
色昏濛而不明也半旬五日也凡北斗間或
一二星有黑雲氣遮蔽主五日有雨一曰四
望無雲惟北斗中外上下有雲氣潤者亦主
五日有雨一曰凡黑雲低下廣而厚者主當
日有雨○或云有黑黃白潤色之雲長二丈
餘蔽遮北斗而不散者三日內必雨如無雨
人少安和

戊己六龍若魚行而大洒斗間五色如龜動以

長津

戊辰巳巳名曰六龍平旦時占着日下夜時
占着北斗若有雲氣蒼潤如魚龍鱗狀或停
止或飛行遮掩斗口者主當日雨不然亦主
當夜雨遮日亦然○北斗有五色雲氣傾覆
蒼色如龜如龍之狀動且不一主大雨驟至
○或云亢戊子日名爲六龍占與上同而若
無雨則別日有急速之雨

類南天而炎火同中蔽以飄塵

類比類也南天赤氣色也亢北斗中有南天
赤雲氣色者主旱一朝若有赤雲蔽日或蔽

斗主明日大熱○中歲者黃色氣也若黃雲
昏暗蔽斗或在日月上下略不廣密者又主
多風披拂塵埃之象一占但青龍亥子壬癸
發動又主大雨

杓白氣而大遭風雨節丹晨而甚益農人

白氣白雲氣也遭逢也若有此氣掩北斗并
日月廣而密者主有大風急雨一占每月初
一夜視北斗中若有白雲氣而潤澤者主月
丙多風兩○節時節也丹紅也晨東方也言
每月節氣相交之日若早晨有丹霞氣見於

東方者主節內風雨順行甚利益庄農之人
○或云朝霞暮霞無水煎茶暮霞而若有火
炎形必旱之兆朝霞雨後乍有其夜雖無雨
明朝必雨唐人詩云朝霞晴作雨是也又八
節占云元正日四方有黃雲氣歲熟有青黃
雜氣生蝗赤氣旱黑氣水春分日東方青氣
麥熟無雲萬物不實人疫其日晴萬物不成
立夏日巳時東南有青氣年豐不然則歲災
夏至日午時南有赤氣宜百穀若無雲氣日
月無光穀不成人災立秋日申時西南有赤

雲宜粟不然萬物不成秋分日日入西方有
白雲如羊宜穡年豐立冬日西北有白氣如
龍馬宜麻子冬至日北方有青雲來歲吉無
雲凶赤氣旱黑氣水白氣起疾黃雲兵火

六甲晴空一旬竭澱

音澱滓泥也又謂湖
澱之波漾者曰澱

六甲謂六儀甲子甲戌甲申甲午甲辰甲寅
晴空言此六甲日長空精明一旬十日也竭
盡也澱澱也九一甲管十日一旬之陰晴若
六甲日天色精明無雲蔽掩日其夜又無雲
掩斗主十日旱若六甲有雲氣漫天而復下

雨主十日雨澤○又六甲占云甲子旬卯初
黑雲不多午時有西風赤雲不多申時有南
風黑雲往來蔽日巳時雨從北方來青雲一
條長則未時雨從東方來白雲遮日辰時雨
從西方來甲寅旬黑雲蔽日巳時有南風黑
雲薄不遮日午時有西風赤雲成塊未時有
東風黃雲片片酉時有北風黃雲四起午時
雨從西方來薄黑雲日邊微起辰時雨從南
方來青雲成條未時雨從東方來甲辰旬薄
雲段段不連巳時有北風青雲成塊午時有

西風黃雲滿天申時東風大至赤雲四起辰
時南風黑雲如羊辰時大雨從北方來白雲
成條酉時雨從東方來甲午旬青雲四起未
時有南風白雲成塊午時有北風黃雲成塊
申時有西風赤雲蔽日午時雨從北方來青
雲段段不連申時雨從東方來黃雲成條酉
時雨從南方來申申旬薄黑雲滿天辰時有
北風紅雲成團午時有南風白雲如破絮酉
時有西風黃雲成塊申時有東風黑雲蔽日
辰時細雨從西方來白雲似山四起近日午

時雨從南方來甲戌旬青雲貫日辰時有西
風黑雲如破絮午時大風從北方來黃雲成
條而不斷申時有東風白雲片片圍日未時
有西風黑雲濃而碎碎不相連巳時有風雨
從北方來赤雲塊塊不動申時雨從西方來
○凡占六甲日皆於卯初觀日上下雲氣而
定其風雨若差過卯時則不應矣

雲氣如出五行逐面

逐面逐方面也雲行時看何方上見如東
方有雲氣應甲日有雨之類餘倣此○一日

青雲主甲乙日雨紅雲主丙丁日雨白雲主庚
辛日雨黃雲主戊己日雨黑雲主壬癸日雨
故五行逐方面而致雨也○或云凡雲氣五
色交雜者乃天威之震主有雹凍之災雲氣
陰黯亦主有災旺相之日降雨者生長萬物
休囚之日降雨者殺害萬物且雲行東雨無
蹤雲行西馬踐泥雲行南水漲潭雲行北雨
便足

卯日同甲四方之氣象爲因朝有從蒼諸干之
期程定變

謂五卯日與六甲日占同○蒼青色也諸干
謂十干也期程十干變動之候也定變謂當
此日天色一定變動平旦時着黑雲出在何
方如東方有雲應在甲乙日之類斷與上同
○一本朝有從蒼作朝夕滋蒼○或云春甲
子兩赤地千里夏甲子兩撐舟入市秋甲子
兩穀頭生耳冬甲子兩牛羊凍死

紫烏白兔降未升而兩沾素日丹蟻升未降而
炎旱

紫烏日也白兔月也降下也沾猶被九天氣

下降陽求陰也地氣上升言坤為地為陰主
乎靜陽索之無有不應故晝之日色紫夜之
月色白若此者主有陰雨○素日日色白也
丹瞻月色紅也言天氣未降陽背陰也地氣
先升以坤陰惟靜是待未必有動先陽者是
陰陽反而不合故晝之日色白夜之月色赤
皆主炎旱晴明

陽碧陰綠未交而景色將寒竒黑偶青未密而
虹霓無現

碧青也未交不曾合也將寒言天地不交欲

凜音廣寒
也列音列寒氣

閉塞成冬故也景色時景氣色也此天氣不
降地氣未升晝則日色青夜則月色綠是二
氣不曾相交將寒之象此秋冬之景將欲隆
寒凜列而興於時也○奇者陽日也耦者陰
月也未密猶相交未足而泄氣也言天氣已
降地氣已升二氣交而未足故日黑月青似
雨不雨必主虹霓之見也

重占卯日雲聚中夾寒風列土折樹四方

重占再占也中夾中央也列土言寒風能列
地層而并折樹木也凡占六甲五卯日若有

雲氣來聚中央則將寒之象主大風折木四方昏翳也○一本重占上有若乃二字中夾作中央

雨注傾頗無之則別生災異兵甲攢興有之則大起凶殃

雨注言急如注也災異不祥也如雲氣隨變而黑者必有大雨此天地之變動也如或無雨則主別生災異也○攢興互相攢掇興聚也凶殃凶惡禍殃也言甲卯日如前天色而若無雨則不止凶殃便有賊兵事變五日內

應也

斷五音之宮羽裁六儀之柔剛

斷決也宮羽五音之屬子午時為宮卯酉時
為羽辰戌時為商巳亥時為角丑未寅申為
徵宮屬土商屬金角屬木徵屬火羽屬水如
宮日宮風時加亥巳有土功商日商風時加
辰戌有兵喪角日角風時加亥巳有疾疫徵
日徵風時加巳亥有火災羽日羽風時加卯
酉有大雨○六儀即六情也如寅午日為廉
貞風從南方來主慶賞歡樂事巳酉日為寬

大風從西方來主酒食筵飲事丑戌日公正
風從西南方來主執仇和悅事申子日爲貪
浪風從北方來主奪貨盜賊事亥卯日爲陰
賊風從東方來主賊來偷營事辰未日爲軍
邪風從東北方來主賊囚虛驚事如風不寒
事善如風勢大主凶亢陽日在外陰日在內
壬子重丁各轄三朝高燥則雲蔽數日丙子終
辛每管五日低濃則雨遍諸鄉

壬子癸丑甲寅乙卯丙辰丁巳共六日每一
日管三日晴雨假令壬子日出時見有雲

氣低濃或黑雲黑氣在北斗上下在右則所
管戊午巳未庚申三日內有雨若無雲氣高
燥清明則此三日皆晴癸丑管辛酉壬戌癸
亥日甲寅管甲子乙丑丙寅日乙卯管丁卯
戊辰巳巳日丙辰管庚午辛未壬申日丁巳
管癸酉甲戌乙亥日各三日揔二十四日推
詳所管晝夜占之○丙子丁丑戊寅巳卯庚
辰辛巳共六日每一日管五日假令其日有
黑雲掩日或蔽北斗則所日壬午癸未甲申
乙酉丙戌五日內有雨丁丑管丁亥戊子巳

丑庚寅辛卯日戊寅管壬辰癸巳甲午乙未
丙申日己卯管丁酉戊戌己亥庚子辛丑日
庚辰管壬寅癸卯甲辰乙巳丙午日辛巳管
丁未戊申己酉庚戌辛亥日并前共六十日
占斗光日色驗之萬占萬應決無一差

連窺天漢蛇經而霧集雲屯累顧銀河猪越而
風調雨順

連窺謂連夜窺看也天漢銀河皆天河也蛇
經謂天河中有雲如蛇經過則主雲霧昏蔽
也猪越謂有氣如猪形過河也凡天河中有

雲氣暗潤形如猪蛇來往者主當夜有雨
無雲掩映當旬之草木不滋有氣侵陵逐限之
田園益潤

掩映謂遮蔽未厚餘光尚照映也言天河中
遇五卯六甲日觀之既無雲氣遮掩又無雲
氣掩來則所管日內必主晴明若有雲氣在
天河中往來者則所管日內必有風雨
黑牛夜半如龍在震以辰期青龍辰前似馬當
離而午信

黑癸水象也牛丑屬也夜半子時震東方也

辰期如與日辰相期不失也遇癸丑夜半見
黑雲氣狀如龍形在東方震上者主辰日必
有雨○青甲木也龍謂辰也辰前早辰之前
當猶在也言甲辰日早辰有雲氣似馬在南
方離上者主午日必有雨
月初兩曜青黑潤明旬當數雨黃赤乾晴
月初本初一二三也兩曜日月也青黑以日
月色或青或黑潤明謂雲氣濕潤而明也亢
月初占若日月青黑潤者主月內多雨如
黃赤氣若此者則枯乾之象主月內多旱每

月初一日晴明管上旬十日初二管中旬十日初三管末旬十日斗光日色同占

朝候孤光雲帶中央而不動日高三丈兩施四面以頻行

孤光日也朝候日出時也雲帶雲氣如縷帶之長也中央日輪中也頻行連日九日出時有雲氣如縷帶橫於日中久而不移不散又或蔽日而不見者主日高三丈兩至若日高一丈二丈時見則主中旬兩至

朝起視東方積土之雲形便瀉暮歸窺酉上累

孟之氣象尋傾

朝早朝也俗謂之早辰視猶看也凡早辰起居必當先看東方始知陰晴若東方有黑雲如推土之形狀久而不散者主必有雨○累孟雲氣如錫孟器皿重疊推積也凡日落時見西方有黑雲氣如累孟形狀層層而起者主有雨

辰候北方雲多黃黑晚望南行雨雷立則

言早辰見北方有黃黑雲氣濕潤長二里許無分大小片朵皆向南飛者主壬癸日有雨

餘則以例推之

躍躍猪氣山奔如七子之期鬱鬱離風乾去似
八辰之索

躍飛跳也言雲氣有若猪走上山之狀飛奔

東北之方必主丙子日有雨七子謂應七日

內也○鬱抑鬱不伸也離風南方也乾西北

也索應也凡早晨間見北方有黑雲氣抑鬱

蒼青飛行之緩南風忽轉吹送如飛者主乙

卯日雨或應八日內決有雨東北風亦然

雲帶橫列寅卯為甲乙之名日輪次當辰巳作

丙丁之色

有雲縷如帶橫列寅卯方上久而不散者主
甲乙日有雨一說寅卯日見則主甲乙日有
雨一曰陰陽雲氣若帶潤色者亦主當日雨
○凡日行見辰巳上有雲帶橫列則主丙丁
日下雨

午未之間見陰戊巳日以無差坤申之上見雲
庚辛日定不易

言午未方上見陰雲如縷帶蔽日不見者主
戊巳日有雨坤申西南也言西南方上見雲

氣飛行主庚辛日有雨

若當炎旱熒惑少退於津河或遇霖霪辰象曜
繁於潢汙

凡天時炎旱則日色酷烈而火星守天河必
主旱若天河中星辰稀少皆主旱○潢汙天
河也蓋天漢本天河特天之餘氣秋夜最明
又曰明河凡天時作大水則水星守天河又
天河中多星而密厚者主大雨又曰五星在
室室乃宿名居西南方此星明動必主多雨
五色錯交赤黑相兼天威電陳神怒雲

凡平旦時見天上有五色雲氣交錯無赤黑
多而往來擾亂者此天之威怒必有大雷電
風雨也一云黃色簽少者必少雨

漫洒輕吹遠邇而人君惠重迅飄頓瀉高低而
逆主猜嫌

漫雨輕風民情順化乃人君有德以致之驟
風疾雨漂山蕩海乃君臣猜忌致然也

君正臣忠先風後雨以祥應上驕下慢始雨終
風而禍占

先風後雨陽氣順也先雨後風陰氣逆也

鎮逆入河法令急而淋潦熒惑反水致理乖而
早炎

土星逆入天河主法令太急雨淋而爲民之
災戾也熒惑火星也若犯辰星必主大旱要
知災地當以十二分野論之

四仲加變朝中夕半以興雲六壬發轉龍水干
支而致雨

四仲子午卯酉也朝中午時也夕半子時也
亢四仲年月日時若太乙初移宮有雲掩日
而清黑潤明者必主有雨言早辰并日落時

加之雲變故耳○六壬即黃帝六壬占常以
月將加月建及月朔占神后爲大雨之類○
或云四仲者朝中夕半也朝即卯時中即午
時夕即酉時半即子時此太乙移宮時也朝
中占日上下夕半占月及北斗若有雲青黑
潤濃生雨淡薄則無雨也若日色如葱葦者
多風青色則陰

支干兩位非其所以無多月宿十情當是方而
博遍

天干地支分野各有所屬若欲推極其妙必

當以分野定凡斗牛日氣該雨不雨是各有
方位分野而兩降也假如甲齊乙東夷丙楚
丁南蠻戊韓魏己中州庚秦辛西戎壬燕癸
北狄子周丑狄寅趙楚卯鄭宋辰晉邨郟巳
魏衛午秦未梁楚宋申齊晉魏酉魯戌趙亥
燕○春三月丙丁日夏三月戊己日秋三月
壬癸日冬三月甲乙日巳上四季八日皆土
旺用事今以日值庚辛名月宿十情其日不
問有無雲氣但逢此日必主大風雨若陰雨
不定是土旺用事時庚辛方則應春夏秋冬

如前八日則應

金水出入起風雨以連天畢月相逢布雲雷於
下土

箕好風畢好雨若月犯畢宿分野必主有雨

金水二星或性情不動則主風雨

銅雀屏氣池枯而徵鳥翅張石燕翱翔川溢而

商羊鼓舞

銅雀鳥名也屏氣含音不鳴也池枯言池塘

乾涸也如此之時必徵鳥展翅而現身也凡

出處必主大旱銅雀之鳥長安西域有之一

鳴則五穀豐熟今言銅雀屏氣謂含音不鳴
又蜘蛛蛇有四翼一名微鳥也凡見處主三
年大旱○石燕鷲名也中嶽小室山有之謂
石燕若飛則主有雨故唐詩云石燕拂羽晴
亦兩故耳商羊亦鳥名一足鼓舞跳躍也躍
則主大雨為患

戴君之德五徵不亂以維新任相之賢十義無
虧而治舊

五徵者兩暘寒暖風也及時而徵應之若民
感戴君王之德則五徵有序不亂十義父慈

子孝兄友弟恭夫義婦隨長德幼順君仁臣
忠也治舊言十者能全必是賢輔則天下之
蒼生子服風調雨順天下太平也○一本治
舊作效古

尊天貴地徵秘法以推誠敬鬼重神握玄機而
定譜

言人當敬天地鬼神方占驗有准也○又云

玄機課六壬課一查四七風雨歌雷門掛機
二十四款大大率不出前賦但以此賦熟讀
細玩而定五行生剋之理則無有不應者故

餘書略而不錄

卷之八

八

武

風雨賦卷終

癸亥六月

日雲監重刊



